

Dohanna

'Biosphärenlied' der Bissinger Grundschule



I schau me om on i denk:
Des isch Bissinga, mei Hoimatländ.
Dohanna ben i aufgewachsa, des isch, was i kenn:
1000 tolle Plätzla, wo mr emmer send.
Hier gibt's die beschde Brezla on außerdem die Gießnau,
do bau mr Lägerla ond kicka kammer au!
Ob Sommer oder Winder – ganz e-gal,
bei ons ischs oefach brudaal phänomenal!

Refrain 1:

Faschd jeden Dag ond jede Na-hacht
han i em Bissinger Tal verbra-hacht.
Au wennis net Stuttgart isch oder Hawaii,
Mir hen die Teck on der Sai - i bleib dabei:
Bissinga Teck, des isch dr beschde Fleck.
Dohanna well'mer bleiba, mer gangad net we-heg!

Refrain 2:

Wo ischs am schenschda? Dohanna!
Wo sen die beschde Leid? Dohanna!
Wo hilfd mr sich aus ond hält zsamma?
Dohanna, dohanna, do-do-dohanna!

Doch all dia tolle Sacha, die griager mir et gschenkt.
Et alles isch zom Lacha – on i denk:
Nix bleibt ewig so, wias mol war...
Mir Menscha missads richda, des isch sonnaklar!
Klimawandel, Artensterben, do hilfd et bloß chilla,
sonschd wird ons die Sonne allesamt noch grilla!
Äpfelsafd ond saubres Wasser – des gibt's et omsonschd:
Mir kremblad'Ärmel hoch, des hält fit ond gsond!

Refrain 1: *Faschd jeden Dag on jede Na-hacht ...*
Refrain 2: *Wo ischs am schenschda? Dohanna! ... (2x)*

Es hilfd au net zom Schempfa auf die große Leid,
Mir selber kenneds richda – es wird hechsche Zeit!
Die Bissinger Schul, die macht sich auf da Weg,
baud Stoehaufa, Hochbeete, Insekdahotels.
Bachputzede, Streuobschdwiesa, mir send jetzt am Start:
Die Natur, die hot bei ons Vorfahrt!
Schäfla, Biena, Wiesabluma braucha mir au morga,
Es liegt an ons – mir wellad dafür sorga!

Refrain 2: *Wo ischs am schenschda? Dohanna! ... (4x)*